



Portørit tarnikkut atugarisaat pillugit Naalackersuisut ukioq 2022 naatinnagu nalunaarusioqqullugit peqquneqarnissaanik Inatsisartut aalajangiiffigisassaattut siunnersuut. Nalunaarusiami atugassarititaasut pitsanngorsarnissaannut anngaasaqarnikkut sunniutaasussat ilanngunneqassapput.

(Inatsisartuni ilaasortaq Doris Jakobsen Jensen, Siumut)

Siullermeernera

Portørit tarnikkut atugarissaat pillugit Naalackersuisut ukioq 2022 naatinnagu nalunaarusioqqullugit peqquneqarnissaanik Inatsisartut aalajangiiffigisassaattut siunnersuut Nalunaarusiami atugassarititaasut pitsanngorsarnissaanut Doris Jakobsen Jensen, Siumut siunnersuutaanut imatut oqaaseqasaagut.

Naalackersuisut akissutaanni erserpoq portørit aammalumi peqqinnisaqarfimmi sulisorpassuit allat ilaatigut sakkortuumik nalaataqartartut ilisimaaralugu oqaatigaat aammalu Peqqinnissaq pillugu Ataatsimiititaliarsuup suliaqarnermini sulisussarsiortarnermi sulisullu sulisorineqaannarnissaat ukkatarimmassuk Naalackersuisup oqariartuuta tutsuviginartipparput, tassungalu atatillugu portørit, peqqinnissakkut sullissisut/sundhedsarbejderit, aammalu peqqinnissakkut ikiortit/sundhedshjælperit sulinerikkut aammalu akissarsiatigut atugaasa aaqqiivigineqarnissaat siunertaralugu nalunaarusiortoqarnissaanik kissaataa Naleqqamiit taperserusupparput.

Taamaattumik Naalackersuisup, siunnersuuteqartup oqariartuutai aallaavigalugit allannguutissatut siunnersuutai akueralugit Naleqqamit oqaatigissavarput – taamaasillutalu ataatsimiitiamut susassaqtumut siunnersuut ingerlateqqipparput.